



# ბიულეტენი

აფხაზეთის სულიერებისა და კულტურის ცენტრის  
საინფორმაციო ორგანო

№4 (65) ივლისი-აგვისტო 2013 წელი



წმ. ანტონ მარცხოფედი



ზოგადსაქაოებრივ სტუკვარშიან  
პრძოდა თითოყერი  
ჩვენგანის ვაღია!



უმგეღკა კუსთაველის სსხელეფიფტ ვკემიის  
2013 წლის ლსუკემეტებთან





# ჯელოცავთ ანგელოზის ეოც

თქვენო უნმიდესობავ და უნეტარესობავ!

სულითა და გულით გილოცავთ ანგელოზის დღეს და მთელი არსებით ვუერთდები ქართველი საზოგადოების თქვენდამი გულითად მილოცვებს. გისურვებთ ჯანმრთელობას, დიდხანს სიცოცხლეს, სიკეთეს, მშვიდობას, წარმატებებს დიდი მისიის აღსრულების გზაზე.

ბრძენს უთქვამს: ურწმუნოება თხელ ყინულზე გამავალი გზაა, რომელზეც ერთმა ადამიანმა შეიძლება გაიაროს, მაგრამ ერი უთუოდ გადაიჩეხება და დაიღუპება. 70-წლიანი ურწმუნოების ასეთ მყიფე გზაზე იდგა ჩვენი ერი და გამოსავალიც თითქმის არსაიდან ჩანდა... მაგრამ უფლის ნებითა და წყალობით გამოგვიჩნდა ადამიანი, რომელმაც თითქმის შეუძლებელი შეძლო - საუკუნეების მანძილზე ქართველთა სისხლით დაცული ჭეშმარიტი სარწმუნოებისაკენ კვლავ შემოაბრუნა ქართველი ერი.

თქვენო უნმიდესობავ, ქედს ვიხრი თქვენ წინაშე იმ უდიდესი ღვანლისა და სიყვარულისათვის, რომელსაც მე და აფხაზეთის ყველა მკვიდრი განსაკუთრებულად ვგრძნობთ. თქვენ 11 წლის განმავლობაში ბრძანდებოდით აფხაზეთის მღვდელმთავარი და დაუღალავად ზრუნავდით თითოეულ ადამიანზე განურჩევლად ეროვნებისა. ჩვენთვის, ისევე, როგორც ყველა ჭეშმარიტი ქართველისათვის, საქართველოს ტერიტორიული მთლიანობის აღდგენის საქმეში მთავარი კვანძი არის აფხაზი ხალხის და არა აფხაზეთის ტერიტორიის დაბრუნება.

ღრმად მწამს, რომ ღმერთი შეისმენს თქვენს მხურვალე ლოცვას აფხაზეთის და თითოეული აფხაზის საქართველოსკენ შემობრუნებისათვის და ჩვენც თქვენთან ერთად გავიზიარებთ ამ დიდ სიხარულს!

ღრმა მოწინებით და უდიდესი სიყვარულით

**ელგუჯა გვაზავა**  
*აფხაზეთის ავტონომიური რესპუბლიკის უმაღლესი საბჭოს თავმჯდომარე*

დღეს, ილია წინასწარმეტყველის ხსენების დღეს, მთელი მართლმადიდებელი სამყარო კიდევ ერთს - სრულიად საქართველოს კათოლიკოს-პატრიარქის, უნმიდესისა და უნეტარესი ილია II ანგელოზის დღეს აღნიშნავს.

უნმიდესო და უნეტარესო, თქვენ ჩვენთვის უზომოდ ძვირფასი ბრძანდებით - როგორც საქართველოს მოსახლეობის, და როგორც ჩვენი, აფხაზეთის მკვიდრთა მწყემსმთავარი, ადამიანებისა, რომლებმაც დევნილობის სიმწარე ვიგემეთ, მაგრამ, თქვენი წყალობით, არ დავკარგეთ სამართლიანი საქმის გამარჯვების რწმენა. თქვენი სიყვარული ადამიანებისადმი, აფხაზი ხალხისადმი გულწრფელია და ჭეშმარიტი და სწორედ ამიტომ გვჯერა თქვენი წარმატებისა სამშვიდობო პროცესში, რაც ვინმე სხვას დღეს ნაკლებად ხელეწიფება. გმადლობთ, რომ სამყაროში სიკეთესა და სიყვარულს თესავთ. სწორად არის ნათქვამი: "ნეტარ იყვნენ მშვიდობის მყოფენი, რამეთუ იგინი ძედ ღმრთისა იწოდნენ".

**სპეტილანა ქიცვა**  
*აფხაზეთის სულიერებისა და კულტურის ცენტრის თავმჯდომარე*



აფხაზეთის საზოგადოებრიობის და მთელი ერის სახელით უდიდესი სიყვარულით და მოწინებით ვულოცავ სრულიად საქართველოს სულიერ მამას ანგელოზის დღეს, ვუსურვებთ ჯანმრთელობას, სულის სიმხნევებსა და დღეგრძელობას. დღეს ქართველ ერს, როგორც არასდროს, სჭირდება უწმინდესის სულიერი თანადგომა, მისი ლოცვა, რწმენა და სიბრძნე. ჩემი თანამემამულეების სახელით მადლობას ვუხდით აფხაზეთის მოსახლეობის ესოდენ დიდი სიყვარულისთვის, იმედის ჩასახვისთვის, რაც მისი ისედაც მძიმე ჯვრის უფრო მეტად დატვირთვას - ცხუმ-აფხაზეთის მიტროპოლიტობის შეთავსებას მოჰყვა. დარწმუნებული ვარ, რომ უფალი შეისმენს მის მუხლჩაუხრელ მხურვალე ლოცვას აფხაზეთის საქართველოსკენ შემობრუნებისთვის. ვიცი, როგორ შესტიკვა მას გული აფხაზეთზე, 11 წელი ჩვენი ეპარქიის მღვდელმთავარი იყო. პირადად მე ეკლესიაში მისი წყალობით მოვხვდი და პირველი ზიარებაც მისი ხელით მივიღე ჯერ კიდევ 1967 წელს.... ვიცი, როგორი ძვირფასია მისთვის თითოეული აფხაზი და ქართველი, ამიტომ ვევედრება უფალს ქართველთა და აფხაზთა ღირსეული და მშვიდობიანი თანაცხოვრების აღდგენას.... მართალია, ჩვენ, აფხაზეთის მკვიდრნი, ჩვენი ქვეყნისთვის მძიმე ისტორიის მონაწილენი, უფრო სწორად, მემატრიანენი გავხდით, მაგრამ იმავდროულად, მე ბედნიერი ვარ, რომ იმ ეპოქაში მიწვევს ცხოვრება, როდესაც ერის ქომაგად და სულიერ მამად საქართველოს ჰყავს ასეთი უდიდესი პიროვნება, მსოფლიო ავტორიტეტი - უნმიდესი და უნეტარესი ილია მეორე. იმედია, აფხაზეთში დაბრუნების უდიდეს სიხარულსაც მასთან ერთად გავიზიარებთ.

**რანისა ქარაია**  
*აფხაზეთის უმაღლესი საბჭოს ფრაქციათა კოალიცია*  
*„ქართული ოცნება - ერთიანი, დემოკრატიული, სამართლიანი საქართველოს“ თავმჯდომარე*

სოციალური კომპიუტერული ტექნოლოგიების როლი თითოეული ჩვენთვის

ბევრი არ მეგულება დანესებულება-ორგანიზაცია, ასე ზუსტად შეესაბამებოდეს თავის სახელწოდებას, ასე ზუსტად, თანმიმდევრულად და ჯიუტი გულმოდგინებით ახორციელებდეს ამ სახელწოდების შესატყვის საქმიანობას. „აფხაზეთის სულიერებისა და კულტურის ცენტრი“ მაქვს მხედველობაში. აგერ უკვე მე-7 წელია, ანუ 2006 წლიდან, თავის ირგვლივ იკრებს მშობლიურ მინა-წყალს იძულებით მონყვეტილ ადამიანებს და თავისი მოღვაწეობით ნათელი მომავლის, ანუ შინ დაბრუნების იმედს უნარჩუნებს, ეხმარება მათ იმაში, რომ არ დაიქსაქსონ, სულიერებას, მშობლიური მხარის სიყვარულს უღვივებს . . . ვინც კი „აფხაზეთის სულიერებისა და კულტურის ცენტრის“ მიერ გამართულ შეხვედრებს ( არ მინდა ცივი, ოფიციალური სიტყვა - ღონისძიება ვუწოდო) დასწრება, დამეთანხმება, რომ აქ ნამდვილად სულიერება, კულტურაა მთავარი მამოძრავებელი ძალა. ამ ყველაფრს წარმართავენ ქ-ნი სვეტლანა ქეცბა და მისი გუნდი, თავად რომ ბრძანდებიან სულიერებისა და ფაქიზი კულტურის ნიმუშები.

როგორ ხდება ეს? აი, მაგალითად, დევნილ ახალგაზრდა თაობასა თუ უფრო ასაკოვნებს ეძლევათ შესაძლებლობა საკუთარი შემოქმედება გამოამზეურონ, გამოფინონ ნახატები თუ ნაქარგობა, ერთმანეთს ნაუკითხონ საკუთარი პოეტური პნკარები, იმღერონ, დაუკრან, ასევე შეხვდნენ გამოჩენილ ადამიანებს და მათ ნააზრევსა თუ ნაუბარს ეზიარონ. ასეთი შეხვედრა-სალამობებიდან შინ დაბრუნებულებს რამდენიმე ხნის მანძილზე გულს უთბობს იქიდან გამოყოფილი ნათელი ემოცია. ჩვენს პრაგმატულ გარემოში, ფულადი ღირებულებების აღზევების ხანაში, ასეთ სიამოვნებასთან უსასყიდლოდ ზიარება ცოტას ხომ არ ნიშნავს! ბევრ დამწყებ ხელოვანს, მხატვარსა თუ მუსიკოსს, საჩუქარიც მიუღია, ფულადი ჯილდოც, მართალია, არც თუ დიდი თანხით გამოხატული, მაგრამ იქაური შექება, ქათინაური, ასეთ ატმოსფეროში ყოფნა ამგვარ თანხას აასკეცებს.

ხოლო „აფხაზეთის სულიერე-

ბისა და კულტურის ცენტრი“ არც აქ დასახელებული ღონისძიებებით იფარგლება. აი, უკანასკნელი ერთ-ერთი შეხვედრა, 2013 წ. 10 ივლისს რომ გაიმართა ცენტრის ოფისში, დაეთმო საკითხებს, შორს რომ სცილდება ჩვენი ქვეყნის პრობლემებს და გადაუჭარბელი ვიტყვი – ზოგადსაკაცობრიო მნიშვნელობას იძენს.

შეხვედრა გახსნა სვეტლანა ქეცბამ და სიტყვა გადასცა საქართველოში ჩეხური დიასპორის „ზლატა პრალას“ საორგანიზაციო კომიტეტის თავმჯდომარე ჰაროლდ შმალცელს, რომელმაც ისაუბრა „სულიერი უსაფრთხოების პრობლემების შესახებ.“ მოხსენებაში, როგორც სათაური იუნყება, კაცობრიობის სატიკვარი იყო წამოჭრილი -უნიგურობა და სულიერ-კულტურული ექსპანსია, ნარკომანია და ჰომოსექსუალიზმი, სექტანტობა და სულიერების დეფიციტი, და სხვა და სხვა, რაც ეროვნულ თვითმყოფობას ემუქრება, მცირერიცხოვანი ერების სახელმწიფოებრიობას უქმნის საფრთხეს. ეს ყველაფერი ხომ ჩვენი დროის უმწვავესი პრობლემებია, პრობლემები, რომელთაც მსოფლიოს ყველა თუ არა, მრავალი ქვეყანა განიცდის. ჩვენი მცირერიცხოვანი ერისათვის კი ამ პრობლემებთან შეუპოვარი ბრძოლა გადაუდებელივით უნდა მოხდეს, ამაში დამსწრე საზოგადოება სრულიად ერთსულოვანი იყო. დიას, ზნეობის, წიგნიერების, რწმენის, სარწმუნოების, კულტურის საკითხები, შეიძლება ითქვას ხსენებულ „დაავადებებთანაა“ მიბმული, რამეთუ უმეცრება, ათეიზმი, ეროვნული ნიჰილიზმი და სხვა, სანინდარია იმ მახეში ადვილად გასაბმელად, რომელსაც ნარკომანია, ჰომოსექსუალიზმი და სხვა მრავალი უკეთურობა უგებს ადამიანებს, განსაკუთრებით კი მოზარდ თაობას, ახალგაზრდობას, ანუ ქვეყნის არსებობის მომავალს.

ჰაროლდ შმალცელის მიერ წამოყენებული პრობლემების აქტუალობა ცხადზე უცხადესი იყო და არც მათი გადაჭრის აუცილებლობაში არავის შეჰპარვია ეჭვი. ამ სატიკვართან ბრძოლის გზებშიც ერთსულოვნება გამოვლინდა – ოჯახი,

სკოლა, საზოგადოების თითოეული წევრი საკუთარ ვალდებულებად უნდა მიიჩნევდეს ამ მიმართულებით ქმედითი ნაბიჯების გადადგმას, მაგრამ, ვაი, რარივ ძნელია ეს! რა რთულია ამის განხორციელება, სისრულეში მოყვანა, ყოველდღიურობაში ჩანერგვა . . . ამ ყველაფერზე საუბრობდნენ, მსჯელობდნენ კომპეტენტური პიროვნებები: არასამთავრობო ორგანიზაცია “საქართველოს დევნილთა მხარდაჭერისთვის“, მედიცინის მეცნიერებათა დოქტორი, მსოფლიოს მშვიდობის ელჩი დალილა ხორავა, საქართველოს ეროვნულ და სოციალურ ურთიერთობათა აკადემიის ნამდვილი წევრი, მსოფლიოს მშვიდობის ელჩი ვილენ ალავიძე, ფილოსოფიის მეცნიერებათა დოქტორი, პროფესორი ლეონიდე ჯახაია, არქიტექტორი მიხეილ კაკაბაძე, წმ. სამების ტაძრის მღვდელმსახური მამა გურამი (ოთხოზორია), ფილოსოფიის დოქტორი, აფხაზეთის ავტონომიური რესპუბლიკის უმაღლესი საბჭოს დეპუტატი აკაკი გასვიანი, რუსულენოვან ჟურნალისტთა ასოციაციის თავმჯდომარე მიხეილ აიდინოვი და სხვ.

რელიგია, ეკლესია, რომლისკენაც შემობრუნება დაიწყო საქართველომ, უწმიდესისა და უნეტარესის, სრულიად საქართველოს კათოლიკოს-პატრიარქის ილია II აღსაყდრების დღიდან, რაც დრო გადის, მით უფრო ცხოველმყოფელ გამოხატულებას იძენს. სულ უფრო მეტი და მეტი ადამიანი მიიღტვის ტაძრებისკენ, ეკლესიისაკენ, ე. ი. მეტი და მეტი ადამიანი ხდება ქრისტეს მიერ ნაქადაგები წეს-კანონების ერთგული მიმდევარი. წამოჭრილ პრობლემებთან ბრძოლაში ეკლესიას, რელიგიას და მის მესვეურებს დიდი, ქმედითი როლის შესრულება რომ ხელენიფებათ, ამაზე ვრცლად ისაუბრა მამა გურამმა. მანვე ისიც ბრძანა, რომ არც ესაა საკმარისი, რელიგიასაც ჰყავს მტრები, მასაც ებრძვის ბოროტი ძალა. ამიტომ ყველამ, მათ შორის, პირველყოფლისა, საგანმანათლებლო სისტემამაც უნდა იტვირთოს თავისი წილი მოვალეობები. რელიგიასთან ზიარება ადრეული ასაკიდანვე უნდა მოხდეს ოჯახშიც, სკოლებშიც . . .

უდიდესია რადიოტელეკომუ-



ნიკაციებისა და პრესის როლიც. აქაც დამსწრე საზოგადოების ერთ-სულთვანება გამოიკვეთა. ხომ ცხადია, რომ გადაცემებში ნაკლებადაა პროგრამები, ეროვნულ სულისკვეთებას რომ აღვივებდეს, პატრიოტიზმის განცდას რომ ნერგავდეს. ტელესერიალები, ასე რომ ნალექეს დღევანდელი ტელემაუწყებლობა, ზნეობრიობის გაჯანსაღების ნაცვლად რას ემსახურება?! ფუჭ გატაცებებს, ამოების, ფულის, მატერიალური კეთილდღეობის ტრფიალს, სექსის პირველადობას, ლამის ცხოველურ დონეზე მის აღზევებას და სხვა ათასგვარ სისაძაგლეს. სერილების ერთი გმირი მაინც თუ უნახავს ვინმეს წიგნით ხელში?! ფუფუნებით გამშვენებულ საცხოვრებელ ინტერიერებში ერთი წიგნის კარადა მაინც თუ გაჭაჭანებულა?! რა შეიძლება ამ სერიალთა მაცურებელმა ისწავლოს, ჯანსაღი ცხოვრების წესით აღსაჭურვად შეიმეცნოს?! საპატრიარქოს ტელეარხის გარდა სადმე მაინც თუ გაისმის ჩვენი სახელოვანი ადამიანების სახელ-გვარები, ან კიდევ მათი ბრძნული ნააზრევნი, საამაყო, გმირულ, მისაბად, სამაგალითო საქციელთა გახსენება?! არსად!!!

ახალგაზრდობისა და სპორტის სამინისტროსთან არსებული ქართული სპორტის მუზეუმის მცველ, სპორტის დამსახურებულ მოღვაწე ლილი ლომსაძეს ყველა დაეთანხმა იმაშიც, რომ ჯანსაღ სხეულში სულიც ჯანსაღია. ამისათვის კი სა-

ჭიროა ახალგაზრდა თაობის გაჯანსაღებაზე დღენიადაგ ზრუნვა, ანუ ფიზიკურ ვარჯიშს დიდი ადგილი უნდა დაეთმოს სასწავლო პროგრამებში, ყოველდღიურ განრიგში, ისე, როგორც ეს წარსული საუკუნის დამდეგს მოიმოქმედა ეროვნული სულით გამსჭვალულმა საზოგადოებამ, „შევარდენი“ რომ ერქვა სახელად. ამ საზოგადოებას სათავეში, სხვებთან ერთად, დიდი საზოგადო და პოლიტიკური მოღვაწე, მაღალი პატრიოტული შეგნების პიროვნება ნიკო ნიკოლაძე ედგა, საკუთარ მაგალითსაც აძლევდა. ახლაც ასე უნდა მოხდეს, ქვეყნის სათავეში მოსული პიროვნებები თავიანთი ქცევით მაგალითს უნდა იძლეოდნენ.

კიდევ ბევრ სხვა საჭირობოროტო საკითხზე გაიმართა საუბარი, მსჯელობა. დასასრულს შეხვედრის ერთმა მონაწილემ გაიხსენა ბრძნული ქართული სიტყვა - ძალაუფლება. ძალა, თუკი არსებობს, ხოლო მას უფლება არ გააჩნია, ძნელად თუ მიაღწევს დასახულ მიზანს. უფლება, ძალ-ლონის გარეშე, თითქმის ვერ გავა ფონს! აი ძალა და უფლება როცა გაერთიანდება, მაშინ კი ბევრი რამ არა თუ შესაძლო, იოლიც კი შეიძლება გახდეს. ვის ხელშია ძალაც და უფლებაც - ხელისუფლების! ვთქვათ, თუ განათლების სამინისტრო ბრძანებს, რომ სკოლებში ქრისტიანულმა მოძღვრებამ დაიკავოს პირველადი ადგილი, ფიზიკური აღზრდის გაკვეთილებმა წინა პოზიციებზე წამოინიოს და ცურ-

ვა, კალათბურთი, ჭიდაობა თუ სხვა რამ, ძვირადღირებული ფუფუნება კი აღარ იყოს, არამედ ყველასთვის ხელმისაწვდომი და სავალდებულოც კი შეიქნეს, ძალა და უფლება თუ გაერთიანდება, ე.ი. იგი სახელმწიფოს ხელში მოიყრის თავს და კეთილი ნება იბატონებს, ყველაფერს მოეცლება, დადგება თავთავის ადგილას!

შეხვედრის მიმდინარეობის პათოსი ამგვარად შეიძლება შეჯამდეს: მცირერიცხოვან ერებს, რომელთაც განვითარებული უძველესი კულტურა აქვთ, არ უნდა ჰქონდეთ წინააღმდეგობრივი ხასიათი, უნდა ეყრდნობოდნენ იმას, რომ ერი და ეკლესია ლოკალურ ცივილიზაციას წარმოადგენს, მას ახასიათებს განსაკუთრებული ტიპის სულიერი ფასეულობები. ეს თვითმყოფობა შეიცავს მძლავრ შემოქმედებითსა და სასიცოცხლო პოტენციალს, რაც ერის სიცოცხლის ხანგრძლივობის სანინდარია. ეს ისტორიულად დამტკიცებული თეზისი მოითხოვს ეროვნული სულიერი ფასეულობების შენარჩუნებას, მაგრამ ახალ, თანამედროვე ფორმებში და მოითხოვს უცხო ფასეულობების ჩანერგვის წინააღმდეგ ეფექტურ ბრძოლას.

ამ ზოგადსაკაცობრიო საკითხების გადაწყვეტა მხოლოდ თითოეული ჩვენგანის მონაწილეობით არის შესაძლებელი - ეს იყო შეკრებილთა საერთო აზრი.

რუსუდან ქუთათელაძე

## შეხვედრა რუსთაველის სახელმწიფო პრემიის 2013 წლის ლაურეატებთან

აფხაზეთის სულიერებისა და კულტურის ცენტრი ის კერაა, სადაც აფხაზეთის მიწის მკვიდრთ და მათ გულშემმატკივრებს საშუალება ეძლევათ დროდადრო (შეიძლება ითქვას, საკმაოდ ხშირადაც) დაგუბებული სევდიანი და ტკივილიანი სათქმელი ამოთქვან. აქ იმართება საზეიმო, სასიხარულო შეხვედრები, მაგრამ მაშინაც საგრძნობია ის მოუშუშებელი იარა, რომელიც ამჟამად ჩვენთვის დაკარგულ მიწაწყალს უკავშირდება.

ასეთი საზეიმო და სასიხარუ-

ლო თავყრილობა შედგა 11 ივლისს, რომლის მიზანი იყო შოთა რუსთაველის პრემიის ახალ ლაურეატებთან - პოეტ გენო კალანდიასა და კომპოზიტორ ვაჟა აზარაშვილთან შეხვედრა და როგორღე მოწვევაც სიამოვნებით მივიღე. ამ ღონისძიებაში მონაწილეობა ჩემთვის ორმაგ პატივად მივიჩნიე. ჯერ ერთი იმიტომ, რომ ვაჟა აზარაშვილი იმ შემოქმედთა რიცხვს მიეკუთვნება, რომლის სახელიც საზოგადოების ყველა ფენის წარმომადგენლისათვის მნიშვნელოვანია, მითუმეტეს ჩემთვის, მუსიკოლოგისათვის, რომელიც დამსწრე

იყო მისი თითქმის ყველა ნაწარმოების პრემიერის, დაწყებული სიმღერიდან სიმფონიებითა და ბალეტით დამთავრებული. ის ნამდვილად გამორჩეულია, რაც მისი მუსიკის ფასეულობასთან ერთად ცხოვრების წესმაც განსაზღვრა - იგი ყოველთვის საზოგადოებრივი ცხოვრების შუაგულშია, რაც არანაირ დაღს არ ასვამს მის შემოქმედებით ნაყოფიერებას. მეორეც, საშუალება მეძლეოდა პირადად მიმელოცა ხელოვნების უმაღლესი ჯილდოს მინიჭება ბატონი გენოსათვის, პოეტისათვის, რომელსაც ჩვენი ოჯახი ჯერ კიდევ

სოხუმიდან იცნობდა და რომელთა-  
ნაც ბევრი სასიამოვნო მოგონება  
მაკავშირებს. ბატონ გენოს მამაჩე-  
მი - ანტონ წულუკიძე, დედა - ნინო  
ჟღენტი და მე, არაერთხელ შევხ-  
ვედრივართ მამიდაჩემის, საქარ-  
ველოს სახალხო არტისტის, სოხუ-  
მის დრამატული თეატრის წამყვანი  
მსახიობის თინა ბოლქვაძის ოჯახში.

იმდღევანდელი საზეიმო თავყ-  
რილობა ცენტრის ხელმძღვანელმა,  
ჩვენმა სასიქადულო ქალბატონმა,  
მუსიკისმცოდნე სვეტლანა ქეც-  
ბამ გახსნა. “თავდაპირველი ჩანა-  
ფიქრით, - აღნიშნა მან, - შეხვედრა  
მხოლოდ ერთ ლაურეატს, აფხაზე-  
თის მკვიდრს, სახელოვან პოეტს  
- გენო კალანდიას უნდა დასთო-  
ბოდა. მაგრამ რომ დავუფიქრდით,  
ჩვენი სახელგანთქმული კომპოზი-  
ტორი ვაჟა აზარაშვილი იმდენად  
ახლობელი ადამიანია აფხაზეთის  
სულიერებისა და კულტურის ცენტ-  
რისათვის, იმდენი რამ აკავშირებს  
მას აფხაზეთთან - სოხუმთან, რომ  
აუცილებლად მივიჩნიეთ ისიც ბა-  
ტონ გენოსთან ერთად დღევანდელი  
შეხვედრის გამირად გვექცია“.

ძალიან ამაღელვებელი სიტყ-  
ვები წარმოთქვა პოეტმა დარიკო  
ფიფიამ გენო კალანდიას მისამარ-  
თით: - გენო კალანდია, - განაცხადა  
მან, - სულიერი მოძღვარია სიყრმის  
წლებიდან მოყოლებული, არამხო-  
ლოდ ჩემთვის, არამედ ჩემი თაობის  
აფხაზეთიდან წამოსული ყველა

პოეტისათვის: რობერტ მესხის-  
ვის, მანონ ბულესკირიასათვის და ა.  
შ. მისი პოეზია და პიროვნება გზას  
გვინათებდა. ბედნიერება იყო, რომ  
ის წლების მანძილზე აფხაზეთში  
სათავეში ედგა მწერალთა კავშირს,  
ბედნიერებაა, რომ ახლაც აგრძე-  
ლებს ამ ხაზს - უძღვება რა აფხაზე-  
თის ლიტერატურისა და ხელოვნე-  
ბის შემოქმედებით კავშირს, სადაც  
გაერთიანებული არიან ხელოვნების  
ყველა დარგის წარმომადგენლები.  
ბატონი გენოსათვის რუსთაველის  
პრემიის მინიჭება ყველა ჩვენგანი-  
სათვის საამაყო და სასიხარულოა,  
მეტადრე მისი ლექსების კრებული  
“ფესვები“ ნამდვილად იმსახურებს  
უმალღეს ჯილდოს. აქ თვალსაჩინ-  
ოა მისი შემოქმედება თავისი ფერ-  
წერულობით, მრავალფეროვნებით  
(როგორც შინაარსობრივი, ისე ტექ-  
ნიკური თვალსაზრისით, მას ხომ  
პოეტურ ფორმათა მთელი სპექტრი  
აქვს გამოყენებული). - გამომსვ-  
ლელმა დიდი შთაგონებით წაიკითხა  
ამ კრებულში შესული ლექსი “ან-  
დერძი, ანუ ბალადა იადონზე“. მისი  
თქმით, ეს არის ბატონი გენოს შე-  
მოქმედების თავგვირგვინი, ანდერ-  
ძი, გაჯერებული აფხაზეთის სიყვარ-  
ულით, მონატრებით, ტკივილით,  
მოლოდინით...

დარიკო ფიფიას შეუერთდა მის  
მიერ უკვე ნახსენები პოეტი რო-  
ბერტ მესხი, რომელმაც მაღლობა  
გადაუხადა გენო კალანდიას მთელი

თაობის მიმართ მამობრივი მზრუნ-  
ველობისათვის, მისი პოეზიისათვის,  
მადლობა გადაუხადა სულიერებისა  
და კულტურის ცენტრს ამ წუთები-  
სათვის.

წარსულის ბევრი სახალისო და  
გონებამახვილური ეპიზოდი გაიხსე-  
ნა თავად ბატონმა ვაჟამ, რომელიც  
უშუალოდ სოხუმთან, სოხუმის კომ-  
პოზიტორთა სახლთან იყო დაკავში-  
რებული და რამდენიმე საკუთარი  
ეროვნული, ქალაქურ ფოლკლორზე  
ამოზრდილი სიმღერის შესრულე-  
ბით დაატკბო ამ სიხარულის გასა-  
ზიარებლად მოსული ადამიანები.

თავყრილობაზე დამსწრე საზო-  
გადოების სახელით სოხუმის სა-  
ხელმწიფო უნივერსიტეტის პროფე-  
სორმა ინდირა ძაგანიამ, აფხაზეთის  
ავტონომიური რესპუბლიკის უმაღ-  
ლესი საბჭოს თავმჯდომარის მოად-  
გილე თამაზ ხუბუამ, აფხაზეთის  
ავტონომიური რესპუბლიკის მთავ-  
რობის თავმჯდომარის მოვალეობის  
შემსრულებელმა ვახტანგ ყოლბა-  
იამ, დიდი მადლიერება გამოხატეს  
სალამოს მთავარი გმირების - პოეტ  
გენო კალანდიასა და კომპოზიტორ  
ვაჟა აზარაშვილის, აგრეთვე, აფხა-  
ზეთის სულიერებისა და კულტურის  
ცენტრის მიმართ, რომელიც თუნ-  
დაც ამგვარი დაუვინყარი შეხვედ-  
რებით, ნამდვილად ამართლებს თა-  
ვის სახელწოდებას.

თამარ წულუკიძე

# „იხსენით ჩვენი სულები“

სწორედ ამ დასახელების სპექ-  
ტაკლით იწვევდა მაყურებელს უსი-  
ნათლოთა დრამატული თეატრი,  
ათონელზე განთავსებულ კამერულ  
დარბაზში, თავიანთი მოკრძალებუ-  
ლი ნამუშევრის გასაცნობად. სცენა-  
ზე გათამაშებულ ეპიზოდებს უფრო  
ლიტერატურულ-დრამატულ კომპო-  
ზიციას დავარქმევდი, ვიდრე სპექ-  
ტაკლს. ზურაბ კანდელაკის პიესა  
ბევრ პრობლემურ კითხვას წამოჭ-  
რის განსასჯელად; მათზე პასუხის  
ამომწურავად გაცემა მეტად რთუ-  
ლია, თითქმის შეუძლებელიცაა,  
მაგრამ დახვავებულ პრობლემათა  
არსში ჩაღრმავების მცდელობაც  
ხომ, სულიერების კათარზისის გზა-  
ზე, უდავო მიღწევას.

ამ პრობლემათა შორის გამჭოლ  
ხაზად გამოიკვეთება აფხაზეთის  
თემა, რაც მოლოდინით გათან-  
გულ წლებთან ერთად დამოკლეს  
მახვილივით თრგუნავს ქართველი  
ერის ფსიქიკას. ბუნებრივია, რომ  
აფხაზეთის სულიერებისა და კულ-  
ტურის ცენტრმა (ხელმძღვანელი  
სვეტლანა ქეცბა) თანადგომა და  
მხარდაჭერა გამოუცხადა სრულიად  
საქართველოს სატკივარით აფორი-  
აქებულ ჩვენს სისხლხორცეულ თა-  
ნამოძმეთ. დიდად დასაფასებელია  
სპორტისა და ახალგაზრდობის სა-  
მინისტროს ინიციატივა, რათა შეზ-  
ღუდული შესაძლებლობების მქონე  
ადამიანთა ერთ ჯგუფს მაყურებ-  
ლის სამსჯავროზე გამოეტანა თავი-

სი ნაფიქრ-ნააზრევი.  
თეორიულად ძნელად თუ წარ-  
მოვიდგენთ, რომ უსინათლო ადა-  
მიანებს აქვთ ჟინი და მისწრაფება,  
აქტიურად იღვანონ ხელოვნების  
რთულ სარბიელზე, მაგრამ ისიც ხომ  
კარგად მოგვეხსენება, რომ ხელოვნე-  
ბას საზღვრები არა აქვს. კონკ-  
რეტულ მაგალითზე კიდევ ერთხელ  
დავრწმუნდით, რომ თეატრალური  
ხელოვნების მაგიურ ძალას ალტერ-  
ნატივა არ გააჩნია. ამაზე მეტყვე-  
ლებდნენ სპაქტაკლის მონანილეთა  
ფიზიკურად თუმც მინავლებული,  
მაგრამ შინაგანი სხვივით გაცისკ-  
როვნებული თვალეები, სიცოცხლის  
სიყვარულით ალტკინებული შემარ-  
თება.

ნანარმოების სცენურ ვარიანტში ჩვენი საზოგადოებრივი ცხოვრებისთვის უმნიშვნელოვანეს ზნეობრივ და მორალურ აქცენტებზე ამახვილებს დამდგმელი ჯგუფი ყურადღებას. სხვისი ჭირი - ღობეს ჩხირი არ უნდა იყოს, ამიტომაც ერთგვარ ღალადისად ჟღერს მონოდება: „იხსენით ჩვენი სულები.“ ეს ყველა ჩვენგანს თანაბრად ეკუთვნის, დიას, უნდა შევევედროთ ღმერთს, რათა განვინმინდოთ ქვენა გრძნობებისაგან, უფრო გლობალურად თუ შევხედავთ - ყოველგვარი უკეთურობისაგან. სარკასტულად ჟღერს „კურდღელთა ჯიშის“ განქიქება. ფიცხელ ომში კურდღლად ნუ გადავიქცევით, დიდი კურდღელი პატარა

კურდღლისგან არაფრით განსხვავდება... სამწუხაროდ, ჩვენი ეს მანკიერი სენი ზოგჯერ სამარცხვინოდ შეგვახსენებს ხოლმე თავს!..

ნარმოდგენის მსვლელობის დროს უნებურად თვალი შევავლე მაყურებლებს, რომელთა უმრავლესობა აფხაზეთიდან დევნილი იყო. მათ სხივჩამდგარ თვალებში ისეთი სულიერი მღელვარება და თანაგრძნობა ამოვიკითხე, რომ უყოყმანოდ შეიძლება დავასკვნათ - ექსპერიმენტმა გაამართლა!

ამ პატარა ზეიმის მონყობისთვის, სამთვიანი დაძაბული შრომის შედეგად, მაღლობის მეტი რა გვეთქმის პიესის ავტორისა და კონსულტანტის ზურაბ კანდელაკის, დამ-

დგმელი რეჟისორის ალექსანდრე ლაბაძის, მხატვარ ნინო თაყაძის, სცენისმოყვარეთა: ირმა ჩიხლაძის (ანა), ზვიად ფხიკლეშვილის (კაცი), სურენ მანუკიანის (დოქტორი მენტა), რევაზ ტატალაშვილის (ექიმი), ლელა ნიკლაურის (ლიზა), დავით ყვირილიანის (რეზო), ამირან ლოლაძის (გიორგი); 202-ე უსინათლოთა სკოლა-პანსიონის მოსწავლეების: ნიკა ნიკლაურის, მარეხ ალანიას, ნატალია გორგიშვილისა და გიორგი ქევხიშვილის მიმართ.

კვლავაც ემძღავროს ჩვენი თანამემამულეების შინაგან ენერგიას გარე დაბრკოლებების დასაძლევად!

პაპა ძიგუა

### 3 აგვისტო - ზაქარია ფალიაშვილის დაბადების დღი

ზაქარია ფალიაშვილის მემორიალურ სახლ-მუზეუმში ქართული მუსიკის კლასიკოსის დაბადების დღე აღინიშნა. ამ მუზეუმთან აფხაზეთის სულიერებისა და კულტურის ცენტრი სისტემატურად თანამშრომლობს. ამჯერადაც, კომპოზიტორის აფხაზურ მუსიკასთან კავშირზე ისაუბრა მუსიკოლოგმა სვეტლანა ქეცბამ. მან გაიხსენა, რომ კომპოზიტორი საკმაოდ ხშირად ჩამოდიოდა სოხუმში, ჩერდებოდა მისი ნიჭის თაყვანისმცემლის ქალბატონ შანშიევას ბინაში, სადაც ხვდებოდა აფხაზური ხალხური მუსიკის ცნობილ მცოდნეს ივან ლაკერბაის და მის მიერ ნამღერი რიგი აფხაზური სიმღერა ნოტებზე გადაჰქონდა. აფხაზური ფოლკლორი იმდენად იზიდავდა კომპოზიტორს, რომ მან მიმართა ცენტრალური აღ-

მასრულებელი კომიტეტის თავმჯდომარე ნესტორ ლაკობას წინადადებით ექსპედიციის ორგანიზების თაობაზე, აფხაზური ხალხური სიმღერების ჩანერის მიზნით. თუმცა, ექსპედიცია არ განხორციელებულა. მიზეზი გახდა ის, რომ იმ დროისთვის უკვე არსებობდა ხელშეკრულება კონსტანტინე კოვაჩასა და კონდრატ ძიძარიასთან, რომლებიც ახორციელებდნენ სიმღერების ჩანერას და 30-იანი წლების დასაწყისში შეძლეს კიდევ მათი გამოცემა. კომპოზიტორს ინტერესი აფხაზური სიმღერისადმი სიცოცხლის ბოლომდე არ განელებია, რასაც ადასტურებს მისი საორკესტრო სიუიტი, რომლის სამი ნაწილი აფხაზური სიმღერის მასალაზეა შექმნილი.

აღსანიშნავია კიდევ ერთი ფაქტი. როგორც ცნობილია, ზაქარია ფა-

ლიაშვილი უკრავდა ვალტორნაზე. მისი კუთვნილი საკრავი აღმოჩნდა აფხაზეთის მუსიკალური სასწავლებლის საკრავთა კოლექციაში. შემდგომში, როგორც ძვირფასი რელიქვია, გადაეცა მემორიალურ სახლ-მუზეუმს, სადაც ის დღემდე ინახება.

ზაქარია ფალიაშვილის დაბადების დღისადმი მიძღვნილმა საღამომ ფალიაშვილის მუსიკის მრავალი შემსრულებელი და გულშემატკივარი მიიზიდა. ბევრი რამ საინტერესო შეიძლებოდა მოგესმინათ ცნობილი რეჟისორის გიზო ჟორდანიას, რომელსაც ფალიაშვილის ოპერების არაერთი დადგმა განუხორციელებია, მხცოვან მუსიკოლოგ გულბათ ტორაძისა და სხვ. გამოსვლებიდან. ჟღერდა ფალიაშვილის მუსიკა, მუსიკა, რომელიც მისი ხალხის მონაპოვრად იქცა.

### ემიგრანტი მაუძუეში პაცტიატქთან

ემიგრანტი ქართველების ინიციატივით 8 ივლისს აჭარაში გაიხსნა მუსიკალური ფესტივალი “მზიანი საქართველო”. მასში როსტოვში არსებული ქართული ქორეოგრაფიული ანსამბლი “კოლხიდა” (ხელმძღვანელი ზაზა სულავა) მონაწილეობდა. როგორც ანსამბლის ხელმძღვანელმა თქვა. ჯგუფში 50-მდე მოცეკ-

ვავეა, ძირითადად აფხაზეთიდან ლტოლვილი, რომელთა უმეტესობა რუსეთში დაიბადა. სამშობლოსთან რომ კავშირი არ განწყვიტონ, სწორედ ამიტომ ჩამოყალიბდა ანსამბლი.

აჭარის შემდეგ “კოლხიდის” ნევრები თბილისს ეწვივნენ. აფხაზეთის სულიერებისა და კულტურის ცენტრის ხელმძღვანელის სვეტლანა ქეც-

ბას ძალისხმევით ისინი სრულად საქართველოს კათოლიკოს-პატრიარქმა, უნმიდესმა და უნეტარესმა ილია II მიიღო, დალოცა და მალე სამშობლოში დაბრუნება უსურვა.

შეხვედრაში მონაწილეობდა, ასევე, აფხაზეთის ფინანსთა სამინისტროს განყოფილების უფროსი ეკატერინე ზუხბაია.



ჩამოყვანება ედესით კონსტანტინოპოლის ხელთუქმნელობის ხატის უფლისა ღვთისა და მაცხოვრისა ზეცისა იესო ქრისტესა (944): ნიშნისაგან - მას ხეობისა მოწყობაში  
16 (29) აგვისტო

ჩამოყვანება ედესით კონსტანტინოპოლის ხელთუქმნელობის ხატისა უფლისა ღვთისა და მაცხოვრისა ზეცისა იესო ქრისტესი. გადმოცემის თანახმად, სირიაში მაცხოვრის ქადაგების დროს ქალაქ ედესის მმართველი იყო ავგაროზი. იგი უკურნებელ სენს შეეპყრო. ექიმებმა დავრდომილის გადარჩენის ყოველგვარი იმედი დაკარგეს. ავგაროზმა, რომლის ყურამდეც მიაღწია ხმამ იესო ქრისტეს სასწაულების შესახებ, ირწმუნა მისი, როგორც მესიისა და გაუგზავნა წერილი, რომელშიც სთხოვდა, ჩასულიყო მასთან და დაეხსნა სნეულებისაგან; თან, იუდეველთაგან დევნილსა და შევიწროებულს, თავის ქალაქს სთავაზობდა საცხოვრებლად. ეს ეპისტოლე ედესის მთავარმა მხატვარ ანანიას გაატანა იუდეაში და თან ქრისტეს სახის დახატვაც დაავალა. მხატვარი ჩავიდა მაცხოვართან, მაგრამ ხალხის სიმრავლის გამო ვერ შეძლო მასთან მიახლოება. მაშინ იგი შემადლებულ ადგილას დადგა და შეეცადა, ქრისტეს სახე ქარტაზე გადაეტანა. მისი ყველა მცდელობა უშედეგო აღმოჩნდა - არამქვეყნიური მადლით გაბრწყინებული სახის დახატვა ვერ ხერხდებოდა. ამასობაში იესომ, რომელიც ხედავდა ანანიას მცდელობას, სახელით მოუხმო მას და ავგაროზის წერილი მოსთხოვა.

მთავრის სათხოვარი რომ წაიკითხა, ქრისტემ წყალი და პირსახოცი მოატანინა, პირი დაიბანა და ოთხად გაკეცილი ტილოთი შეიმშრალა. მასზე სასწაულებრივ გამოისახა მაცხოვრის სახე. ამ ხელთუქმნელ ხატთან ერთად იესომ ავგაროზს გამოუგზავნა ეპისტოლე, რომელშიც წერდა: „ნეტარ ხარ შენ, ავგაროზ, რამეთუ არა გიხილავ და გრწმენა... შენთან მოსვლას მთხოვ, მაგრამ მე იმ საქმის აღსრულება მმართვეს, რომლისთვისაც მოვლენილი ვარ, შემდეგ კი ჩემს წარმომგზავნელ მამასთან უნდა დავბრუნდე. მასთან ამაღლების შემდეგ გამოგიგზავნი ჩემს ერთ-ერთ მოწაფეთაგანს, რომელიც სრულიად განგკურნავს და სიცოცხლეს მოგანიჭებს შენ და სხვებსაც შენთან ერთად..“

გახარებული ანანია ედესისკენ გაემართა. იერაპოლთან მას შემოაღამდა და ქალაქის განაპირას მცხოვრებ მექოთნესთან გაათია ღამე, ხატი კი იმის შიშით, რომ არ დაზიანებულიყო, ორ გამომწვარ კეცს შორის ჩაასვენა. შუალამისას ზეციდან გადმოეშვა და ხატს დაადგა ცეცხლის სვეტი, რომელმაც ქალაქის თავის ყურადღებაც მიიქცია. მას ხატის შექმნის ისტორია უამბეს, ხოლო როცა იგი კეცებიდან ამოასვენეს, ნახეს,

რომ მაცხოვრის სახე ზემო კეცზეც გადასულიყო. გამგებელმა ის კეცი თავის სასახლეში წაასვენა. მე-6 საუკუნეში მაცხოვრის ხატის კეცი მონოფიზიტური მწვალებლობის მიმდევართა ტაძარში მოხვდა. იქ იგი ნახა წმიდა ანტონ მარტყოფელმა, ათცამეტ მამათაგან ერთ-ერთმა და ეს დიდი სიწმიდე მწვალებელთა ხელში რომ არ დარჩენილიყო, ფარულად წამოაბრძანა; როცა წმიდანი იოანე ზედაზნელთან ერთად საქართველოში ჩამოვიდა, ხატიც თან გამოიყოლა. ცნობილია, რომ მაცხოვრის ხელთუქმნელი ხატიდან კეცზე გადასული ასლი ანტონ მარტყოფელის გარდაცვალების შემდეგ მარტყოფში ინახებოდა. მასთან მიახლებით სასწაულებრივ განკურნებულა საქართველოს დასწავლული მეფე დავით VII ულუ (1246-1270); საქართველოს მეფის, გიორგი VII-ს (1393-1407) მეფობაში, თემურ-ლენგის შემოსევებისას, გიორგი მარტოდმყოფელმა კეცი მაცხოვრის გამოსახულებით უსჯულოთა შიშით ყველასათვის უცნობ ადგილას გადამალა. მოგვიანებით გიორგი მარტოდმყოფელი მონამებორივად აღესრულა და თან წაიღო ამ დიდი სიწმინდის ადგილსამ-ყოფელის საიდუმლო.

რაც შეეხება ხელთუქმნელი ხატის პირველ პირს, იგი ანანიამ ედესაში ჩაასვენა. ავგაროზმა, რომელიც უკვე ექვსი წელი იყო, რაც სანოლს მიჯაჭვოდა, სიხარულით მიიღო მაცხოვრის წერილი და ხატი და იმავ წამს ტკივილებისაგან განთავისუფლებაც იგრძნო, მაგრამ მის სახეზე კეთრის კვალი მაინც დარჩა უფლისგან აღთქმული მოწაფის, სამოცდაათთაგანი მოციქულის, თადეოზის (ხს. 21 აგვისტოს) ჩასვლამდე, რომელმაც სახარება უქადაგა და ნათელსცა ქალაქის მმართველსაც და მთელ მის სახლელულსაც. ავგაროზმა ხელთუქმნელი ხატი ფიცარზე დააკრევირა, ზედ წაანერა: „ქრისტე ღმერთო, ყოველთა, რომელთა ჰრწმენეს შენი, არასადა რცხუნეს,, შეამკო იგი და ქალაქის ბჭეებს ზემოთ გამოკვეთილ ნიშში დააბრძანა, იქ, სადაც უწინ კერაი იდგა.

მრავალი წლის მანძილზე ედესაში არსებობდა წმიდა ჩვეულება, რომ ქალაქში ყოველ შემსვლელსა და გამოსვლელს თაყვანი ეცა ამ დიდი სიწმინდისათვის; მაგრამ შემდგომ ავგაროზის ერთ-ერთმა კერპთმსახურებაში ჩავარდნილმა შვილთაშვილმა გადაწყვიტა, ჩამოეხსნა ხატი და მის ნაცვლად კვლავ ცრულმერთის ქანდაკი აღემართა. ამ უსჯულო განზრახვის შესახებ უფალმა წინასწარ განუცხადა ედესის ეპისკოპოსს, რომელიც

ღამით თავის მღვდელმსახურთა დასთან ერთად მივიდა კარიბჭესთან, ხატის წინ კანდელი დაანთო და ნიში თიხის ფირფიტითა და აგურებით ამოაშენა. გადმოცემით, მაცხოვრის ხელთუქმნელი ხატის თაყვანსაცემად ედესაში მოციქულთაწინორი წმიდა ნინოც მისულა გაიანესთან და რიფსიმესთან ერთად.

გავიდა მრავალი წელი. ქალაქის მცხოვრებლებმა სრულებით დაკარგეს ღვთის შიში, ისიც გადაავიწყდათ, თურა სიწმინდის მფლობელები იყვნენ. 539, სხვა ცნობით - 545 წელს სპარსთა მეფე ხოსრო თავისი მრავალრიცხოვანი ლაშქრით მოადგა ედესას. ქალაქის მდგომარეობა უიმედო ჩანდა. სწორედ ამ დროს ყოვლადწმიდა ღვთისმშობელი გამოეცხადა ეპისკოპოს ევლავიოსს და უბრძანა, ამოქოლილი ნიშიც გამოეხვეწებინა ხატი, რომელიც მათ გადაარჩენდა. მღვდელმთავარმა ხილვაში მინიშნებულ ადგილას კედელი გამოარღვია და სიწმიდე გამოასვენა. მის წინ კვლავ ენთო კანდელი, თიხის ფირფიტაზე კი სხვა, ხელთუქმნელი ხატის მსგავსი გამოსახულება გაჩენილიყო. ლოცვისა და ლიტანიების შემდეგ მტრის ზანაკში არეულობა გაჩნდა და ხოსრო იძულებული გახდა, მეომრებისათვის უკან დახევა ებრძანებინა.

630 წელს ედესა უკვე არაბებმა დაიპყრეს. ისინი ხელს არ უშლიდნენ ხელთუქმნელი ხატის თაყვანისცემას, რომლის დიდებაც უკვე მთელს აღმოსავლეთს მოედო. 944 წელს იმპერატორმა კონსტანტინე VII პორფიროგენეტმა (912-959) გადაწყვიტა, სიწმიდე მართლმადიდებლური სამყაროს მამინდელ ცენტრში - კონსტანტინოპოლში გადაესვენებინა. ედესის ამირა დიდახანს ყოყმანობდა, მაგრამ ბოლოს ორასი სარკინოზი ტყვის განთავისუფლების, 12 ათასი ვერცხლის მონეტისა და ედესაზე თავდაუსხმელობის პირობის საზღაურად დათმო ხელთუქმნელი ხატი და ავგაროზისადმი მიწერილი წერილი, რომლებიც 944 წლის 16 აგვისტოს სამღვდლოებამ დიდი პატივით გადაასვენა კონსტანტინოპოლში. ერთი ცნობით, იგი წმიდა სოფიას ტაძარში დააბრძანეს, სხვა წყაროთა მონიშნებით კი - ფაროსის ყოვლადწმიდა ღვთისმშობლის სახელობის ეკლესიაში.

მაცხოვრის ხატი კონსტანტინოპოლში XIII საუკუნის დამდეგამდე ინახებოდა. ამ პერიოდისათვის ტილო - ხელთუქმნელი ხატი მოაშორეს ფიცარს, რომელზეც მაცხოვრის გამოსახულება სასწაულებრივად იყო გადასული.



XIII საუკუნის დასაწყისში კონსტანტინოპოლში მწვავე პოლიტიკური ვითარება შეიქმნა \_ მაჰმადიანური სამყაროს გარდა მას კათოლიკური ევროპაც უტევდა. 1204 წელს კონსტანტინოპოლი ევროპელმა ჯვაროსნებმა აიღეს. ერთ-ერთი გადმოცემის თანახმად ამ ხანებში ტილო მაცხოვრის ხელთუქმნელი ხატი ვენეციის დოჟს, დონდოლოს გადაეცა. ამ უკანასკნელმა სინმინდე ვენეციაში გააგზავნა გემით, რომელიც მარმარილოს ზღვაში ჩაიძირა. სხვა მოსაზრებით, შესაძლებელია მაცხოვრის ხელთუქმნელი ხატი იმ სინმინდეთა შორის მოხვდა, რომელიც საფრანგეთის მეფემ, ლუი IX-მ კონსტანტინოპოლში შეიძინა და პარიზში წაიღო.

რაც შეეხება ფიცარს, რომელზეც ხელთუქმნელი ხატი იყო დაკრული და რომელზეც გამოსახულება სასწაულებრივ გადავიდა: იმ მიზნით, რომ ეს უდიდესი სინმინდე მართლმადიდებლურ

სამყაროს როგორმე შეენარჩუნებინა, იგი კონსტანტინოპოლიდან საქართველოში, კერძოდ, მთიან კლარჯეთში გადასვენეს და ანჩის საყდარში დააბრძანეს. ამ პერიოდიდან ხელთუქმნელ ხატს ანჩისხატი ეწოდა. საქართველოში მას პირი ღვთის ხატსაც უწოდებდნენ. ანჩელმა მთავრებისკოპოსმა იოანემ თამარ მეფეს ხელთუქმნელი ხატის ძვირფასი თვლებით შემკობის ნებართვა სთხოვა. ხატი დიდი ხელოვნებით მოჭედა სახელოვანმა ოქრომჭედელმა ბექა ოპიზარმა, ხოლო იოანე ანჩელმა კლარჯეთში შემობრძანებულ ამ უდიდეს სინმინდეს საგალობელი მიუძღვნა. ანჩში მაცხოვრის ხელთუქმნელი ხატის თაყვანსაცემად საქართველოს ყოველი კუთხიდან მიდიოდნენ ქართველი ერის ყველა ფენისა და წოდების წარმომადგენლები.

1453 წელს კონსტანტინოპოლი ოსმალთა ხელში გადავიდა. ამის შემდეგ

უსჯულოებმა საქართველოს სამხრეთ პროვინციებსაც შემოუტყეს. ქართველები საკუთარ მიწა-წყალს მამაცურად იცავდნენ, მაგრამ მტერი რიცხოვრივად ბევრად აღემატებოდა მათ და ამიტომ ნელ-ნელა მოიწვედა წინ. ამ დროს ხელთუქმნელი ხატი ანჩიდან ახალციხეში გადაუსვენებიათ, საიდანაც იგი ჯერ სოფელ ჭალში მოხვდა, იოთამ ამილახვარის ოჯახში, შემდეგ კი - თბილისში ჩამოაბრძანეს და საკათოლიკოსო ტაძარში მიუჩინეს ადგილი. ამის შემდეგ საკათედრო ტაძარსაც, რომელიც VII საუკუნეში ყოვლადწმიდა ღვთისმშობლის სახელზე იქნა აგებული, ანჩისხატი ეწოდა. საქართველოში საბჭოთა ხელისუფლების დამყარების შემდეგ ანჩისხატი სახელმწიფო მუზეუმში გადასვენეს, სადაც იგი დღესაც ოქროს საცავშია დაბრძანებული.

*„წმიდანთა ცხოვრება“, ტომი III, თბილისი, 2001 წ.*

## საკლესიო კალენდარი

- 1 სექტემბერი, სულთმოფენობიდან მე-10 კვირა
- 2 სექტემბერი (ორშ.)
- 3 სექტემბერი (სამშ.)

- 8 სექტემბერი, სულთმოფენობიდან მე-11 კვირა
- 9 სექტემბერი (ორშ.)
- 10 სექტემბერი (სამშ.)
- 11 სექტემბერი (ოთხშ.)

13 სექტემბერი (პარ.)

14 სექტემბერი (შაბ.)

17 სექტემბერი (სამშ.)

18 სექტემბერი (ოთხშ.)

19 სექტემბერი (ოთხშ.)

21 სექტემბერი, ჯვართამაღლების წინა შაბათი

- 22 სექტემბერი, სულთმოფენობიდან მე-13 კვირა
- 24 სექტემბერი (სამშ.)

- 25 სექტემბერი (ოთხშ.)
- 26 სექტემბერი (ხუთშ.)

- 27 სექტემბერი (პარ.)
- 28 სექტემბერი (შაბ.)
- 29 სექტემბერი, სულთმოფენობიდან მე-14, ჯვართამაღლების შემდგომი კვირა

30 სექტემბერი (ორშ.)

1 ოქტომბერი (სამშ.)

- მონ. ანდრია სტრატილატის და მისთანა 2593 მონამეთა ხსენება (284-305წ.);
- წინასწარმეტყველ სამუელის ხსენება (XI ს. ქრისტეს წინ). **დიდგორგზა**
- ღირ. თადეოზ სტეფანწმინდელის (VII ს.) და მოციქულ თადეოზის, სამოცდაათთაგანის ხსენება (44წ.);
- მონ. ანდრიანეს და ნატალიას ხსენება (305-311წ.);
- ღირ. პიმენი დიდის ხსენება (დაახ. 450წ.);
- წმ. მონ. დედოფალ შუშანიკის ხსენება (475წ.);
- თავისკვეთა პატრიოსნისა დიდებულისა წინასწარმეტყველისა და ნათლისმცემელისა იოანესი. **მარხვა!**
- დადება პატრიოსნისა სარტყელისა ყოვლადწმინდისა დედუფლისა ჩვენისა ღმრთისმშობლისა (395-408წ.);
- გვირგვინი წელიწადისა და დაწყება **ინციქტისა**;
- ყოვლადწმიდა ღმრთისმშობლის კრება მთავრისა საგანეში (864წ.);
- ღირ. სვიმეონის, გარეჯის წინამძღვრის, წინასწარმხედველისა და საკვირველთმოქმედის ხსენება (1773წ.);
- წმ. იოანე ნათლისმცემლის მშობელთა, წინასწარმეტყველ ზაქარიას და მართალ ელისაბედის ხსენება (II ს.);
- ხსენება საკვირველებისა მთავარანგელოზ მიქაელის მიერ კოლასეს შინა (ხონა) ქმნილისა (IV ს.);
- **შობა** ყოვლადწმიდა ღმრთისმშობლისა;
- წმ. აღმსარებელთა - იოანეს (მაისურაძე) და გიორგის (მხეიძე) ხსენება;
- დიდუბობა, გელათობა, შუამთობა, ბეთანიობა.
- წმიდათა და მართალთა მშობელთა ღმრთისათა **იოანე** და **ანას** ხსენება;
- კრწანისის ბრძოლაში თავდადებულთა - **300 არაბქელთა** და სასულიერო და საერო პირთა ხსენება (1795წ.);
- წმ. მღვდელმთავრის გიორგი ჭყონდიდელის ხსენება (XII ს.);
- ჯვართამაღლების წინაღღესასწაული;
- დიდმონამე საქართველოს მნათობის, კახეთის დედოფლის **ქეთევანის** ხსენება (1624წ.);
- **ინციქტი**, რომელ არს ხსენება ქრისტეს აღდგომის წმ. ტაძრის განახლება იერუსალიმში (335წ.);
- **წმ. იოანე ოქროპირის** მიცვალება (407წ.);
- ღირ. ამა იოსებ ალავერდელის ხსენება (570წ.);
- მონ. ორთა ძმათა - ისააკ და იოსებ ქართველთა, კარნუ ქალაქში წამებულითა (808წ.);
- მონ. პისტის, ელზიდის, არაპისა და მათი დედის სოფიოს ხსენება (დაახ. 137წ.);
- წმ. მთავარმონამის ბიძინა ჩოლოყაშვილის და წმ. მონამეთა შალვასი და ელიზბარის, ქსნის ერისთავთა ხსენება (1661წ.).

# ჩვენი მოძღვარი

(ინტერვიუ წმ. ალექსანდრე ნეველის სახელობის ტაძრის წინამძღვართან, დეკანოზ ბიძინა გუნიასთან)

*(გაგრძელება. დასაწყისი იხ. №3)*

**– მამა ბიძინა, თქვენ მიერ შემოთქმულია გარდა, სხვა რა მოტივაცია გქონდათ საპროტესტო აქციაში მონაწილეობის მისაღებად?**

– 17 მაისს განვითარებული მოვლენები, გარკვეული თვალსაზრისით, აისბერგს ჰგავს, რადგან ასეთად წარმოჩინდა იგი მავანთა მეცადინეობით. ანუ, ის, რაც ჩვენ „გვანახეს“ სატელევიზიო არხებით და „განგვიმარტეს“, აისბერგის ხილული ნაწილია. და რა უწყით მის წყალქვეშა, დაფარულ ნაწილზე? ნუთუ, ასეთ შემთხვევაში მთელი სისრულით შეიძლება გაანალიზება არსებული სიტუაციისა და სწორი დასკვნების გამოტანა, რათა მსგავსი რამ შემდეგში აღარ განმეორდეს?!

საქართველოს მოქალაქეთა უდიდესი ნაწილი პარლამენტის (ყოფილი) შემოხვევის წინა მდებარე ტერიტორიას ცხრა აპრილის მოვლენებს უკავშირებს. აქ ცხრა აპრილის გმირთა სისხლია დაღვრილი. აქ განსაკუთრებული ურთიერთობები უყალიბდებოდა მოქალაქეებს. არაერთხელ მიხანავს, როდესაც სრულიად საქართველოს კათოლიკოს პატრიარქი ილია II ცხრა აპრილის მემორიალთან დაღუპული გმირების სულთა სახლად პანაშვიდს იხდოდა, როგორ იდგნენ ერთმანეთის გვერდით (შესაბამისი დროის) პოზიციისა თუ ოპოზიციის წარმომადგენლები, და თუ ვინმეს სანთელი ჩაუქრებოდა, როგორი მოკრძალებით აწვდიდნენ ერთმანეთს ანთებულ სანთლებს.

არავინ იფიქროს, რომ თითქმის ჩვენ გვეყვარება ლებტ აქციის მონაწილენი. ეს სიცრუეა! ჩვენ ადამიანები არ გვეყვარება. ჩვენ ვამხელთ და განვემორებებთ სოდომურ ცოდვას, რომელსაც ადამიანი უეჭველი დაღუპვისაკენ, სულიერი სიკვდილისაკენ მიჰყავს.

ადამიანს ღმერთმა გონიერება მისცა, მაგრამ, სანამ გადანყვებილებას მივიღებდეთ, ყველამ, ვინც პასუხისმგებელია დედაქალაქში განვითარებულ მოვლენებზე, არაერთი გარემოება უნდა გაითვალისწინოს. უპირველეს ყოვლისა ის, რომ პარლამენტის (ყოფილი) შენობის წინ ჩვენი წმინდა სალოცავი – ქვაშეთის წმიდა გიორგის ეკლესია, და არაგვის აქვს უფლება, საკრალური სივრცის ხელყოფისა. ნუთუ ისიც დაგვაკინებდა, რომ წინა დღე – 16 მაისი, გლოვის დღედ იყო გამოცხადებული, და ქაშვეთის ტაძარში საშობლოსთვის დაღუპულ სამ ვაჟკაცს დასტიროდა მთელი საქართველო?

აი, პასუხი თქვენს შეკითხვაზე. ჩვენ იქ იმიტომაც მივდივართ, რომ არ დაგვეძაბა ჩვენთვის მნიშვნელოვან საჯარო სივრცეში, რომელიც ჩვენთვის საკრალურია, სექსუალური უმცირესობის მიერ გაუკუღმართებული ცხოვრების პროპაგანდა!

გახსოვთ ვაჟას სიტყვები:

„რაც უნდა ჭირი მომკერძო, ბილწი არ შავეკერი ზავითა; მცნებას ვერ შემატებელინებ მოზღვავებულის ავითა!...“

შენდობას ვითხოვთ 9 აპრილისა და სამი დაღუპული გმირის სულების წინაშე, თუ სათანადოდ ვერ დავიცავით და პატივი ვერ მივაგვთ მათ ხსოვნას.

**– მამაო, თქვენ აქ საკრალური სივრცე ახსენებთ. რით ავსხნათ ის გარემოება, რომ ზოგიერთ ადამიანს არც აქვს სივრცის საკრალურობის განცდა.**

– არ გაგიკვირდეთ. მსგავსი მაგალითები არაერთი გვაქვს. რიყეზე ბუდა ბარი გახსნეს?! არც ჰკითხეს საზოგადოებას, ეკლესიას, თუ რამდენად მისაღები იქნებოდა ასი ათასი ქართულის მარტვილობის ადგილზე აღნიშნული ბა-

რის არსებობა. ან კიდევ, რიყის ერთ ნაწილში, გაურკვეველი შინაარსისა და ფორმის მქონე ორი „ვერცხლისფერი ნაგებობის“ ჩადგმა. ანდა სიონისა და ანჩისხატის ეკლესიებს შორის, საპატრიარქოს გვერდით (სადაც ბერ-მონაზვნები ცხოვრობენ) „კაზინოს“ არსებობა (და მისი გაფართოებაც კი).

ეს არის ნათელი მაგალითი იმისა, რომ ის ადამიანები, რომლებიც თავიანთ ფესვებს მოწყდნენ, ნომინალურად არიან რა ქრისტიანები, სხვაგვარად ვერც იქცევიან. მათთვის, ალბათ, უცხოა და შეიძლება სცილის მომგვრელიც ჩვენი მსჯელობა და მგოსანთა ზემოქმედებითი სიტყვებიც, მაგრამ ჩვენ, ვემიჯნებით რა ყოველივე გაუკუღმართებულს, სიტუაციის გამოსწორებისაკენ მოვუწოდებთ ყველას, ვისაც ეს ხელეწიფება და მათ შორის მასმედიასაც.

**– კვლავ შემოთქმულს მინდა დაეზღვრუნდეთ და ჩაგვეითხოთ. აქამდე რატომ არავინ აღიმაღლა ხმა კრიმინალური ძალადობის იმ ფორმაზე, რომელსაც ფსიქოლოგიური ძალადობა უწოდებენ? როგორც როგორც აღნიშნეთ, ძალადობის ეს ფორმა დასჯადია.**

– 17 მაისის აქციაზე მასმედიის მიერ „ეკლესიის მსახურთა ძალადობის“ მძაფრი წარმოჩენა, ხოლო ლებტ საზოგადოების მხრიდან განხორციელებული ფსიქიკური ძალადობისა და სამოქალაქო საზოგადოების სხვა წევრთა უფლებათა აბსოლუტური უგულვებლყოფა, ჩვენი აზრით, უახლოეს წარსულში განვითარებულ მოვლენებს უკავშირდება. დღე არ გავა, საეთერო სივრცეში 2006-2012 წლებში ყოფილ ხელისუფალთა მიერ ფსიქიკური ძალადობის შედეგად დაზარალებულ პიროვნებათა საკითხი რომ არ გაშუქდეს. რეალობაა, რომ იმ პერიოდში, როცა მსგავსი ქმედებები ხდებოდა, მასმედიის წარმომადგენლები დუმდნენ, ხმას არ იღებდნენ გაჩუქებულ ბიზნესებსა თუ უძრავ-მომრავ ქონებაზე, ადამიანთა დამინებასა თუ შანტაჟზე. არსებობს გონივრული ეჭვი, რომ ისინი, ვინც ცალმხრივად აშუქებენ 17 მაისის მოვლენებს, გარკვეულწილად, უთანგრძობენ კიდევ ფსიქიკური ძალადობის სხვადასხვა ფორმებს.

**– ემუქრება თუ არა საქართველოს რელიგიური ფუნდამენტალიზმის საშიშროება, რაშიც ასე ცდილობენ დაარწმუნონ საზოგადოება?**

– გასაოცარია პირდაპირ, რას არ იტყვის ენა! ეკლესია, რომელიც წლების განმავლობაში მოუწოდებდა საპატიმროებში მდგომარეობის რადიკალური გამოსწორების აუცილებლობაზე, ქურდული გენტალიტეტის მიუღებლობაზე და ამხელდა ხელისუფლებას განათლების სისტემაში არსებულ სერიოზული ხარვეზების არსებობაზე, განა შეიძლება ფუნდამენტალიზმში დაადანაშაულო? იქნებ დაგვაკინებდა 2008 წლის აგვისტოს მოვლენები, როცა, საომარი მოქმედებების მსვლელობისას, სრულიად საქართველოს კათოლიკოს პატრიარქი ილია II ბერებთან ერთად ცხინვალის რეგიონში შევიდა და ველ-მინდვრებზე მიმოფანტული ჩვენი ვაჟკაცების ცხედრები ჩამოასვენა თბილისში? ან იქნებ, არც ის იცის მავანმა, რომ საქართველოში სიკვდილით დასჯის აკრძალვა ეკლესიის და უმუშევროდ პატრიარქის ინიციატივითაა? ამას მოიჩვენებ რელიგიური ფუნდამენტალიზმის გამოვლენად? ნუ დაავიწყდებთ ამ ფრაზის ავტორებს, რომ ეკლესია კონსტიტუციურადაა გამოყოფილი სახელმწიფოსაგან, განსხვავებით სეკულარულზე და სახელმწიფოებისაგან, და ის არასდროს ითხოვს რელიგიის ბაზისური მცნებების უპირობო მხარდაჭერას ან მის პირდაპირ რეალიზაციას. მე აქ კონსტიტუციურ

უფლებებსა და ვალდებულებებზე ვისაუბრე და მოვლენის სამოქალაქო ახსნა გადმოვეცი. თუ ოჯახის, ღირსების, ჯანმრთელობისათვის უვნებელი გარემოსა და ახალგაზრდობის მავნე ინფორმაციისაგან დაცვის მოთხოვნა ვინმეს ფუნდამენტალიზმის გამოვლენიად ესახება, მაშინ ამ საკითხზე სათქმელს წმინდა ნერილის ერთი შეგონებით დავასრულებ: „შვილო, ნუსადა გაცთუნებენ შენ კაცნი უღმერთონი, ნუცა ინებებ სვლად გზათა მისთა“ (იგავ. 1, 10).

**– მამაო, საზოგადოების დიდ ნაწილს უჭირს დიდაქტიური ხასიათის დარიგებების მიღება იმ პირობებში, რომლებიც უახლოეს წარსულში არ გამოირჩეოდნენ მართლმორიერი ქმედებით და ქვეყანაში მიმდინარე პროცესებზე არაადეკვატური პოზიცია ჰქონდათ. რით ავსხნათ ეს გარემოება?**

– ეს ადვილი ასახსნელია. ღირსი ისააკ ასური (VII ს.) შეგვაგონებს: „...ხოციელი სიამეთა მოყვარულთა და პირის პატივის მცოდნეთ (მუცელმერთებთ), რომელთაც ამქვეყნიური სიამენი გაუხდიათ ცხოვრების მიზნად, ისევე არ შემეგნით სულიერ საკითხთა განჩნრება და მათზე „ბრძნობა“, როგორც მეძავს ქალწულუბის შესახებ ქადაგად დავარდნა“.

ამგვარად, უწყით რა, რომ საზოგადოების უდიდეს ნაწილს კარგად ახსოვს უახლოეს წარსულში ამა თუ იმ პიროვნების (ან პიროვნებათა ჯგუფის) არცთუ მართლმორიერი ქმედებები, და ისიც, რომ ამ ადამიანებს ჯეროვნად (სიღრმისეულად) არ გამოუხატავთ სინანული აღნიშნულ ქმედებათა გამო, ბუნებრივია, მოქალაქეთათვის მათ „დარიგებებს“ დამაჯერებლობა აკლია.

**– დღეს ბევრს საუბრობენ დიალოგის აუცილებლობაზე საზოგადოების სხვადასხვა ჯგუფებს შორის, განსაკუთრებით კი სურთ სასულიერო პირების მონაწილეობა სხვადასხვა „თოქმოუებზე“. არის თუ არა სატელევიზიო სივრცეში ეკლესიის მსახურთა მონაწილეობის დეფიციტი?**

– ვფიქრობ, მასმედია არ არის მოკლებული სასულიერო პირებთან ურთიერთობას, თუმცა, როცა „თოქმოუებსა“ თუ სხვადასხვა საეთერო სივრცეში საუბრები უსაგნო ხდება და განსხვავებულ მიზნებს ემსახურება, ხოლო მოძღვართან „დიალოგს“ სვირის სახეს იძენს, თავის შეკავება საჭიროა. აქი წმიდა ანტონი დიდი (251-356წ.წ.) შეგვაგონებს: „როცა ისეთ ადამიანს შეხვდები, რომელსაც კამათი უყვარს და რომელიც ბრძოლას დაგინწყებს ცხადზე უცხადესი ჭჭმარტების გამო, შეწყვიტე მასთან საუბარი, მსწრაფლ განერიდე ..., რადგანაც ასეთი ადამიანის გონიერება მთლიანად გაქვავებულია. როგორადაც დამყაყებული წყალი ყოვლად უხმარად შეიქმს საუკეთესო ღვინოს, თუკი მასში გაფურევეთ, ასევე ბოროტი საუბრები, თუნდაც იშვიათნი, განხრწნაან და ნაბლწავენ ცხოვრებითა და ზნევეულებებით სათნო ადამიანთა სულზე“ (საეკლესიო კალენდარი 1991წ. გვ. 222);

**– უკანასკნელი წლების განმავლობაში და განსაკუთრებით კი 17 მაისის მოვლენების შემდგომ, ბეჭდვით თუ სოციალურ მედიაში მართლმადიდებლობაზე და სასულიერო პირებზე უამრავი შეურაცხმყოფელი ტექსტი თუ ვიდეო ვრცელდება. რას გვეტყოდით ამის შესახებ?**

– ერთი ფსალმუნის სიტყვები მახსენდება: „ადღვეს ცათა შინა პირი მათი და ენა მათი ეთრია ქვეყანასა ზედა“ (ფს. 72.9.) -

*(გაგრძელება შემდეგ ნომერში)*




# „იხსენით ჩვენი სულები“



## ემიგრანტი ბავშვები პატრიარქთან



## პივლისი - წმ.სამება. ჯვრის ჰარაკლისი ქვეყნისა და მამთლისათვის. მამა დავით კონჯარია







ISSN 2298-0865



9 772298 086004 >

## პუბლიკაციის ცენტრი

სარედაქციო კოლეგია: სვეტლანა ქეცბა, დეკანოზი ბიძინა (გუნია),  
ლია სენიაშვილი, ნოდარ სილაგაძე, ირინა ქეცბა  
პასუხისმგებელი რედაქტორი ციცილო ჯულუხიძე

სსიპ „სულიერებისა და კულტურის ცენტრი“

მისამართი: თბილისი, რუსთაველის გამზ. №37, IV სართ. ტელ.: 293-17-20, 599-05-96-11. ტირაჟი: 500 ცალი